

棗陽縣志卷十六

祥異

齊武帝永明九年辛未義陽安昌縣獲白麀一頭見南齊書  
祥瑞志

宋孝宗隆興元年癸未棗陽大饑斗米六七千錢

乾道三年丁亥冬大饑四年戊子春饑尤甚

嘉定二年己巳春大饑斗米數千錢人食草木

淳祐二年九月戊午大星隕於境內聲如雷大風拔木是日  
孟珙卒

棗陽縣志

卷十六

祥異

元武宗至大元年戊申大饑

文宗至順元年庚午大饑

順帝至正九年己丑夏四月張氏子暴長

元史五行志棗陽民張氏婦生男甫周歲暴長四尺許容  
貌異常皤腹擁腫見人輒嬉笑如世俗所繪布袋和尚云

明太祖洪武二十八年乙亥唐子山有白蛇赤兔交頸而居  
憲宗成化十三年丁酉穿山甲見於泮池額有田字是年田  
紹舉於鄉

孝宗宏治十七年甲子秋大旱

武宗正德三年戊辰穿山甲復見泮池是年李邦用登進士  
正德七年壬申夏民婦王氏生子身黑如漆

正德九年甲戌大旱秋蝗大饑

正德四年乙巳春天鼓鳴地震大饑

正德五年庚午芝產於孝子王雲鳳墓

世宗嘉靖元年壬午春三月地震一日二次

嘉靖七年戊子秋蝗大饑人相食

按通鑑綱目嘉靖八年御史張祿繪饑民十圖以獻棗陽  
與馬

棗陽縣志

卷十六

祥異

二

嘉靖十年辛卯秋蝗

嘉靖十三年甲午夏蝗大疫

嘉靖十七年戊戌夏四月大雨沙河擁異物如龜人多漂沒

嘉靖十八年己亥秋大旱

嘉靖二十二年癸丑夏六月大雨溪水溢流石數十里兩月

始霽

嘉靖二十五年丙午蛟見泮池黃龍岡產靈芝數十本

嘉靖三十一年壬子夏大雨雹

嘉靖三十八年己未蛟見泮池

嘉靖四十年辛酉天明復晦雨墨池魚盡死

嘉靖四十四年乙丑大饑

嘉靖四十五年丙寅秋九月大風拔木

穆宗隆慶三年己巳大雨傷禾

隆慶四年庚午大饑人食樹皮

神宗萬曆元年癸酉春大疫

懷宗崇禎三年庚午冬十二月地震有聲

崇禎四年辛未縣民王氏女及笄忽變為男子

崇禎十一年戊寅蛟見於宣文閣歲大饑

棗陽縣志

卷十六

祥異

三

崇禎十二年己卯仍饑

崇禎十三年庚寅蝗蝻並作食苗殆盡十四年大饑人相食

崇禎十六年癸未斗米錢八千

國朝順治二年乙酉仲夏大疫人相食

順治三年丙戌夏大疫

順治十三年丙申冬十月十八日雨冰著樹如甲

康熙九年庚戌旱疫次年疫

乾隆七年壬戌夏秋水災

乾隆十年乙丑夏秋水災大疫

乾隆十一年五月初九日大水壞民廬舍城墻倒塌十餘處  
乾隆三十三年戊子旱民多饑死

乾隆四十三年戊戌旱災

乾隆五十年乙巳旱冬清潭火火毬如斗飛半里外

乾隆五十一年丙午春饑民採樹皮石麩爲食夏麥有秋大  
疫流行秋七月飛蝗蔽日不成災

乾隆六十年乙卯知縣王廷珪禁民間門榜冠服用白

嘉慶元年丙辰春三月有黑氣自東來飛向西南啐際有聲  
嘉慶十年乙丑冬十二月大雪沍寒冰厚五尺

棗陽縣志

卷十六

祥異

四

嘉慶十一年丙寅大有年

嘉慶十八年癸酉大旱

嘉慶十九年甲戌饑疫斗米千錢

嘉慶二十年乙亥冬十一月大雪

嘉慶二十一年丁丑夏六月大雷電以風伐屋拔木蛟見鸚  
鵡水

道光三年癸未夏六月朔日食晝晦星斗畢見

道光五年乙酉有大星頭如箕身如龍長十餘丈自東而西  
白光燭地

道光八年戊子秋七月螟螣害稼

道光十四年甲午旱蝗

道光十九年己亥元旦雷震

道光二十五年乙巳春霖雨八十餘日夏石橋民劉凱家螺生駒

道光二十六年丙午夏四月徐家橋椿樹花大如茶盃一黃二赤

咸豐二年壬子麥穗雙歧四鄉多有之

咸豐五年乙卯秋七月暴雨沙河盛漲北門橋上水深數尺

棗陽縣志

卷十六

祥異

五

房屋冲塌無數

咸豐六年丙辰縣東侯家灣蔡國良妻一乳三男邑令陳侯賞以錢布又北關朱魁元妻一產三子

咸豐七年丁巳夏六月飛蝗蔽天

咸豐十年庚申冬十二月雪深四尺牲畜多凍死

同治元年壬戌秋七月有蝗不爲災冬十月桃杏華

同治四年乙丑正月十四日東南鄉大雨迅雷已刻晝晦如夜城中雨雪連旬樹株多凍死